

兩朝從信錄

兩朝從信錄卷之十九

秀水

沈國元蓮

七月

南御史李希孔再折邪議以定

兩朝實錄疏曰竊惟國家有一朝必有一朝之實錄謂是是非非功功罪罪一錄其實而不得以私掩也夫惟其實也彼身爲不軌力可通神者雖幸溺于生前而口誅筆伐難逃責於身後故孔子作春秋而亂臣賊子懼雖游夏輩亦不能贊一辭蓋惟存萬世之公故無敢輕有所假也今者

神光兩朝宮闈之際難言之矣。然而不能掩也。而纂修將欲告竣而擁戴鄭氏接傳衣鉢者敢於翻騰筆舌遷變是非舉

君父三十年憂危鬱抑之苦境。寘之罔聞。奸雄數十番睥睨攘竊之顯謀。同於風影。天下忠臣義士之所隕首滅血爭大計者。番成。大罪案。若是。則于實錄錄字何居。而亂臣賊子更復何忌之與有。職爲此懼。故不避兇鋒。請得而直折之。夫昔鄭氏謀危國本而奸人之左袒之者莫彰著於

三王並封之事。而黨之者不謂非也。且推其功至於陳平

竊竊密疏
青紫朝房
青紫為之
倡

狄仁杰並此其說不可解也當日並封未有

青輔臣王錫爵蓋先有密疏請也迨

青下禮部而王如堅朱維京徐臻王學曾岳元聲顧允成
于孔謙等拚死力爭又共責讓錫爵于朝房於是錫爵始
知大義之不可違而天下之不我予隨上疏請舉而封
事停也假令如堅等不死爭朝房不責讓將並封之事遂
以定而子母貴之說且徐定策國老之勛誰出錫爵右
者而乃飭之云旋

命旋引咎事遂以此止嗟嗟此可為錫爵諱乎哉且聞錫
爵之語人曰王給事中遺悔否其辣心如此故事關國體

諸臣稿項黃臆終錫爵世不再報不知前代之安劉復唐者誰阨王陵使之不見

天日乎曾剪除張柬之桓彥範等五臣而令資志以沒乎錫爵之罪上通于天矣職之所以折邪議者一也其次又莫彰于張差閭官之事而黨之者猶謂無罪也且輕其事而列王大臣貫高事爲辭此其說又不可解也王大臣之徒手而募至乾清宮門也馮保怨舊輔高拱置以其袖而挾使之供之然而非實事也張差之挺誰授之而誰使之乎貫高身無完膚而詞不及張王放故漢高得釋放不問者可與張差之事造謀主使口招歷歷者比乎昔寬處

之所以全倫。今直筆之。以存實。以戒后。自兩不相妨。而奈之何。欲諱之。且諱之以爲。

君父隱可也。爲亂賊輩隱。則何爲借。

君父爲逆賊。護身符。青史爲私家作人事。有人心者如此乎。職之所以拆邪議者二也。至謂封后遣。

詔爭之易而傳之難。明乎爭之非而傳之是矣。則當日何不直順舉。而又云輟以明家法也。輟之者爲家法。則傳之者非家法。傳之者爲從先志。則輟之者爲逆先志。此就其說已矛盾矣。自古未有。

帝崩而立 后者。

神祖英明天縱豈不辨此况其肯抑情于

臨御數十年而忽欲加號于彌留之后此不過貴妃私人謀假母后之尊以彌罪狀故稱

遺詔以要必行耳在

先帝固非中女謁之進而中焉知無迫脅之情奈何猶稱先志以重誣

神祖而陰爲阿附傳封者開一面也職之所以折邪議者三也

先帝之令德考終自不宜謂因藥致崩彼不美之名而當日在內視病者烏可于積勞積虛之后投攻尅之劑羣議

洵洵方蓄疑慮變之深。奏值

先帝升遐之遽而又聞有此下藥之事如何不痛之恨之疾首頓足而深望之乃討奸者憤激而甚其詞底奸者借題以逸其罰主意較有異全矣

君父何人臣子可以僥倖而嘗試乎職之所以折邪議者四也

光帝之繼

神廟棄羣臣也兩月之內鼎湖再號

皇上孑然一身怙恃無託宮禁深闕狐鼠實煩其于杜漸防微自不得不倍加嚴慎卽不然而以

新天子儼然避正殿讓一先朝宮嬪萬世而下謂是如
何國體此楊漣等諸臣當日所以權衡輕重亟以移宮
請也宮已移矣漣等之心事畢矣本未嘗居以爲功何至
反以爲罪而禁錮之擯逐之是誠何心卽選侍久侍
先帝生育公主諸臣未必不力請于

皇上加之恩禮今

皇上旣安選侍又未嘗不安儘可付之無言有何冤抑而
汲汲皇皇爲無病之沉吟此臺臣霍錫楊方盛所以慷慨
而言也范濟世自謂背時嗟夫濟世背時者也濟世以爲
真見聞矣于

先帝之憑几則見於

皇上之出居慈慶宮則不見于選侍封妃則聞于選侍之欲封

皇上則不聞文華殿之欲稟命李娘娘則又不聞世有如是之言官乎藉畏王安乎世有畏權璫之吏掌科哉且濟世之入長安亦久矣何不言于初入朝之時而必于會議之日粧點罪案以爲矯殺王安者陰開一面是濟世所言者非背時乃正投時之極者耳鬚眉婦人不在諸人下而可令賈繼春見乎哉職謂繼春真忠孝人也彼初原爲君父起見不意爲邪人簧鼓至此是以其後深悔而竊謂

一片光明可對天日絕無渣滓隱護之意此亟宜還其原
官以旌其孤耿者也職之所以折邪議者五也雖然職言
猶有未盡者

神祖與

先帝所以處父子骨肉之際仁義兼盡孝慈之極本無可
以置喙卽當年母愛子抱外議誼譁然雖有其城社媒孽
之奸卒不以易其祖訓立長之序則愈足以見

神祖之明聖與

先帝之大孝何足諱何必諱又何可諱若謂言及鄭氏之
過便傷

神祖之明，則我朝 仁廟監國危疑，何嘗爲

成祖之累。而當時史臣直勒之汗青，並未間有嫌疑之避也。何獨至今而立此一說，巧爲奸人脫卸，使昔日不能寘之罪，今日不容著之書，何可訓也。嗟嗟王、朱、梁亦幸存者耳。陸大受、李倬、張其廷等，則墓草宿矣。生前三斥自甘，沒後九原不作，而擁戴 寵妃謀危 國本，猶得賞延于世，繇此言之，誰爲欲富貴人哉。三代而下，惟恐其不好名，而日以排害孤忠，則自親附劉朝，用諸臣黃克纘、邵輔忠等倡之，夫輔忠以

皇上之大吉祥日，駁致不詳語，以恐嚇職切恨之，糾之

勅令輔忠不能回話而別尋題目迎合劉朝用傾毛士龍
彼其所謂不屬好名者如此職言及此不覺淚下白髮上
指極知此言一出必有以爲迂且緩者然職自知非迂緩
也意以闢邪說以昭信史以禔奸魄以示後世之公端在
此舉今史局開公道明而坐視奸輩陰謀辨言亂義將令
三蜀夷九法滅天下止知有私交而不知有
君父故敢披瀝

上聞一一述其始末伏惟

皇上留神裁察將職疏發下史館特

勅纂修諸臣據事直書無疑無隱則繼述

大孝過于武周、而世道人心、良有攸賴之矣、奉

聖旨、實錄傳信萬世、自有公論、這所奏着付史館參酌、務求至當、以光重典、該部知道、

川師進勦、尅除固破、蒲州并獲偽官偽勅、再報捷音、

四月十四日、官兵既攻復永寧、遂各路前進、疾追二酉、
十五日、尅紅崖、人固、十八日、攻取天台、圍賊卽具
牛酒、率領數千人納降、二十日、差官張革等分投安撫
撫紅崖、四十八寨、一帶安插、計連日共斬獲壯功一千
二十八顆、五月初一日、又紀功參政閔夢德、副使李
仙品、劉可訓等、報稱帶管坐營事、總鎮中軍盧世卿、呈
解偽巡城御史汪澤遠、樊虎、參謀文道南、又副將秦
明、呈解偽監軍道夏奇雲、偽兵科給事中孔聞、過又千
總周定邦、呈解偽副總陶膝、顯偽參將趙日光、又加銜
遊擊李上進、呈解過賊王繼臣、宋萬華、周世昌等、又湖
廣都司標下中軍守備徐先容、呈解偽參將宋可、據石
世卿、呈解樊虎、偽元帥印信一顆、偽關防二顆、又據石

柱中軍參將秦可呈解奢崇明、水寧撫司印信一顆、又據隊承寧衛指揮雷世忠解永寧鎮撫司印信一顆、又據楊應岳呈解偽造瓜斧各一對、到道、該道逐一會審得汪澤遠、永寧衛幫家人係偽巡城御史、先年賊初反時、本犯搬在南溪居住、反賊攻城、本犯對賊曰、馬飽肚裏空、益言賊中無人也、後賊聞言、攻打益急、縣城遂陷、官民盡遭殺戮、夏奇雲、永寧宣撫司生員係偽監軍、道隨奢寅出門、到處殺人、強姦寡婦、孔蘭過江西人、住永寧偽兵科都給事中、跟老舍出陣、虜人于女寫偽書于秦女、將實出其手、張學海、江津縣人、住永寧、原係驛吏、中寫偽書偽給、顯永寧衛人、審係行營參將朱國恩部下、領兵打龍洞、打竹洞、水且強賣客貨、不知其數、趙川先賣武人係開川秦守軍參將、專一占人婦女、趙邦泰出門殺人、秦應龍已故偽大將軍夏不忠家丁、先鋒參軍王繼臣、供稱係永寧土司知家丁、在樊虎部下為偽都司、今見官兵打進、走上紅岩行至中途、撞兩道拿送、到官、張興本地人、供係樊虎部下先鋒、守備曾昭淪、關周省城朱萬華、供係永寧人、樊虎部下為先鋒、校參將文道南、供係永寧生員充樊虎參謀、凡出示寫札行票、客人無厭、周世昌、供稱永寧生員先充兵部偽員、外、宋

下關之謀
合衆步
不應

司供係永寧左衛所軍、隨奢酋致破榮昌、回瀘州、授偽
守備、伏攻竹洞、水竹洞、江門、象嶺、加授偽都司、職銜、各
口詞在卷、又據三逆轉報、撫官胡平表等、各部下將、官
潘應奎等、生擒水西、應、獲偽都督、總兵、駱文、奇、偽監軍
李采、并偽都司、欽天監等項、偽官、陳所、緝、錢、劉、選、田、有
金等、偽關防一顆、逆與、與、母、加、偽、徽、號、千、卷、一、軸、偽、勅
書一張、交通各夷、雖書、啓、四、錄、偽、曆、日、一、本、又、初、七、日、
准馬湖、鄭知府、塘報、按、加、衛、守、備、任、道、重、呈、稱、部、兵、陳
友傳、于、初、五、日、至、李、家、店、生、擒、安、兵、一、名、田、克、忠、到、府
審、得、田、克、忠、係、畢、節、衙、人、乃、安、酋、何、紀、名、下、兵、吐、稱、奢
賊、計、窮、將、美、女、黃、金、降、水、西、借、兵、安、舊、計、兵、十、六、七、營、
已、過、河、到、鄉、于、山、有、酋、紀、曾、仲、其、領、兵、六、營、尚、札、赤、水
河、聽、得、首、衆、商、議、將、兵、一、半、回、鎮、雄、兵、三、營、包、永、寧、之
後、以、兵、一、半、回、奢、兵、由、奢、市、入、新、寨、攻、永、寧、之、前、十、三
日、將、官、羅、紀、象、督、同、官、兵、殺
人、古、蘭、焚、其、巢、餘、賊、奔、潰、

八月

貴州巡撫王三善除賊雙翼狀俘

王撫力解會城之圍凡十八大戰而黔乃漸次再造其
中據腹心塞咽喉不可不亟為疾定者無若洪邊十二
馬頭以夫龍里一路蓋十二路馬頭西接安台水外六
因之地綿亘數百里而當苗會之衝龍里若欲平其
上游基布枝百里寨而當苗會之冲安邦彥敢于調梁
略無顧忌者恃有此也乃牛萬化極惡窮克精悍而狡
復有益州神奸劉洪祖以住之受邦彥偽官總兵同謀
造逆當邦彥初圖之日潛入城中縱內候見走壁囊簪
惡千金賞合德萬眾併力擒之不得忽而躍出犯平越
破龍里偽寨與兵自解龍里王何中戮共成邦彥而一
角衆而食人至今全黔火斷烟消一望千里橫屍流血
白骨如山邦彥之得以宵聚神苗數十萬圍省城千回
月王撫竭力盡心冒矢石而役解者以有此兩賊也解
爾後諸苗亂動所在見告邦彥聲言捲土重來深山窮
谷無不聚糧餉以應若謂死灰可甞者
亦以有此兩賊也兩賊既除會勢孤矣

登萊巡撫袁可立偵報逆奴內潰情形

三年二月內復州灣總兵劉興祿即愛塔欲反正內應使金應魁資送審察求登撫免死加卹牌票登撫以四間川開計給與之命總兵充有容于三月十三日率兵出海相拒接應去訖四月內賊見登兵此來毛帥之兵又交相接應疑其攻襲得金州沿海兵民挈挈復州及劉愛塔又差張應科通飭獻城求帶接應大抵言七月永歸也五月登兵與島帥布羅相應六月續有復州劉愛塔發允文并金州生孫應武王國佐等各差人同原差賄撫回總高崇等仍通款訂盟已會議于六月二十五夜先與愛塔等令高崇約定愛塔不意有復州備案王再貪其愛塔其揭怒奴將王內縛去兩僂口首愛塔內應情事怒奴發兵三萬圍復州縛愛塔等去其復州居民勸殺不盡者趕往北去并將永寧益二城男婦盡驅北行南衛門百里皆毀之地奴一旦棄之聞奴已將劉興祿仁王內斬論心腹潰而封翼第諸將當人人自危矣此可乘之際也

九月

麻羊島守備張盤收復金州

六月中奴以劉愛塔之族將金伏等處遠民盡行殺戮
逃難人民甚多守備程鴻鳴等帶領船隻俱往青山嘴
接渡盤招撫遺民男婦老幼共計四千名口拉無尺布
邊身挑運壯丁確有三十五隊日哨探金州城內有達
賊五六百餘守城亦有烏鎗火炮等器再探的確十七
月初二日統領該部烏兵并帶壯丁三十餘隊以及老
幼遠民助張聲勢黑夜上岸盡伏夜行于初三夜三更
時分齊至金州南門城下各舉火把一齊吶喊放砲軍
聲振天達賊從北門逃出天明進城安撫居民果又于
城南丁家寨搜糧得穀二千石當時給散各兵前後
共得大小炮鎗一千零十四位稍黃連藥五百六十斤
大小鉛炮子七千三百零二個因帶領兵丁住劉金州
城池但船隻少力量薄火藥少糧食寡申報毛鎮乞奏
請劉付銀牌等項大發兵將協守金州等情毛文龍塘
報云看得金州地方廣闊田土肥饒城高且堅又臨海
昨海恢復四衛之首地今張盤率所部之島民統新編

之順率能用計以取衛也。又有勝而天心守此金城實
 恢復四衛之首功。况金州至南旅順口一百十里。形如
 葫蘆。既得以扼安。則西南之奴島。正南之旅順。口東之
 三牛。其皆為我有。因城南之一百二十里。俱可以聚兵
 糧。招撫屯種。即登鮮船隻往來。都有停泊處。所獲無大
 洋之患。東可固便。益二衛。西可通蘭。寧等處。是進取之
 有其基。臣何用間招叛。叛服全復。全為此存。唯是無險
 可據。不敢嘗試。今城南二十里。地係是。荷莖之類。兩崖
 距海。中乃山。秦關僅一百步。其安設立重關。而全州防
 守。又得方略。便可結住。足保無虞。然倘不接兵。不繼而
 城隻又少。大舉發兵。其在江東者。尚不供用。何能以守
 州之請。作無衣之狀。是在當事者。酌量急要。情形速為
 接辦。

平遼總兵毛文龍奏滿清昌城之捷

按奴酋設立瞭臺甚密。以佛寫號。其傳鋒尤速。滿清過
 江。至老寨。至新水。皆自水口至。甜水。站後至沙場等處。
 其造近險。易文龍素知之。前自偵探。回報奴賊有西寇
 之期。以益非從。恨上。撓亂之。彼不至。我阻。故期。方略分

授諸將兵分五路而文龍親爲策援計我設疑彼必傳
旗奴日就全軍內顧而返遂三設空營以疑益驚以驚
益疑四以刻其時日復令杜貴相机直冲出水站奴必
復統全軍回顧勢所必至豈知其既斃于空營火炮復
斃于自相蹂踐又復斃于奔跑
力竭奴因頽已極敢西向乎

防紅夷

閩撫南居益塘報云看得夷情反復既經投款復皆占
據彭湖北港往返宣諭實爲無益其停泊鳳櫃仔乃彭
湖信地此外若語與白坑東旋蒲頭古雷洪嶼沙洲甲
洲等處皆漳泉內地亦敢于任情出入矣每稱撥船往
日本既明示我以勾倭之意而巨寇如李其輩又陰載
以爲內向之媒使夷盤踞日久受詳百出要挾不也必
至狂逞除行該道查審逃回商船以杜奸細仍檄巡海
各道選將練兵倍加提防俟兵力稍克相機進剿
按澎湖爲浙直潮惠總要之路匪出關閩中自金中丞
殞議力爭守此地閱二十餘年不受倭害浙直諸處陰
受其福不知何時撤守竟
至今日使夷披猖通爾

南道御史趙應期等上言。頃接邸報。見婦寺子侄。繫籍世襲者十餘人。不勝駭愕。夫此等爵蔭。非軍功不授。當有澄汰之日。今日與之。既以爲榮。他日裁之。必以爲辱。

皇上奈何予一朝之榮。而使貽後日之辱乎。如以寵幸之愛。其實難割。惟有優以金帛。賜以良田美宅。五陵裘馬。翩翻豪舉。上之惠。在繁纓蔽袴之外。諸監之貴。總歸韶華富貴之中。賞不犯公議。官不壞。

朝常。豈不子孫長享安樂。其維名分乎。夫諸監以私請。皇上猶以爲情難遣也。邇聞面奏懇辭。則非諸監之私請而爲。

皇上之特恩明矣

皇上何不遂聽其辭免成諸監之美乎夫人各有志誰無遠謀無故之獲不可守也非分之榮不可久也祖宗之法不可壞也國人諸大夫之口亦不可不畏也誰謂中涓遂無賢者見不及此耶此事一寢在

皇上爲施旃沛之音澤諸臣已感其踰涯在諸臣受恬退之美名守分益高其品格卽紕衣而糲食何忝于清白章之子孫雖今是而昨非何見有日月明之虧損且東西烽燧遠者四五年近者二三年從征將士或魂化遼東之雀或血流西蜀之鵲生者霜露爲食骷髏作枕卽臣子誼分

不敢希望

恩澤而

朝廷鼓舞怜恤，惟有此術若，襲狎用之，將人亦泛泛視之，不短英雄之氣，損壯夫之色歟。

守關三看
石莫不情

遼東巡撫張鳳翼規復遼東疏曰：臣受事後，見邊報頻仍，秋防漸急，兼以戎士方呼庚癸，遼民正苦流離，關外之情形殊難逆料。局中之戰守，未敢輕嘗。因于八月二十二日出關，由前屯以抵寧遠，又循嶺而北，遵海而南，凡依山阻水之形，一一得其要領已，謹據實爲

皇上陳之。夫自廣寧奔潰，極目兵燹，河西七百里邊城俱

叙發井井
文承燭然

爲煨燼，遠人之負險望救者，旣尅沒於東夷，避難來歸者，復微截于西虜，豺狼當道，烽燧全空，關以外幾成異域矣。幸督臣用表餌之術，設防禦於羈縻，而朗素拱兔，諸酋始有爲我送砲鏡者。然而荊荻猶未斬，毳幕猶未移也。迨樞輔當關，軍威大振，於時驅逃汰冗，選將徵兵，設三大帥于關前，提十萬師于境上，層層布置，節節安插，邊庭有相望之旌旂，島嶼有相連之舸艦，分合具備，水陸兼施，斯可稱率然在山矣。故向來關門未固，虜馬驕嘶，居民思接浙以逃，行旅亦荷擔而立，自分防有兵將，而山海之人食始下咽，而臥始貼席矣。向來難民被奴淫虐，欲死不得，欲逃無

所自哨兵出而接回男婦一萬餘人矣。向來叛賊抗我顏
行。或據河干。或防海口。自舟師擾而奪還。火炮六十餘位
矣。凡此皆輔臣之安懷大略。豫畫先筭。故職得頽首受成
爲

皇上撫茲殘土。以壯開門之氣也。惟是地無所不守。則兵
無所不分。奴全隊衝鋒。而我以偏師拒敵。卽極精極銳。猶
虞多寡之數難當。而乃器械不克。強半是執挺持竿之衆。
盛甲不備。大都皆赤身露頂之人。且馬匹以水草之非宜。
而莫由問富強。餉以內地之告竭。而屢見脫巾。最可慮者。
城被燒殘。在在盡頽垣敗壁。人當挫衄時。時驚鶴唳風聲。

極是

不露聲

雖輔臣極力綢繆苦心率勵然八城番鍾非一年可就之
工六載瘡痍非一時可甦之病倘天不悔禍奴復窺關四
顧旁皇誰爲衛霍所爲鯁鯁慮凜凜憂也故今議勦不能
言戰不得計惟有拿定一守字庶幾安將膽而固軍心然
守又非以五大部僮僮乘障于十六里邊城也假令奴避
實擊虛從寧遠走界嶺桃林又或因利乘便從前屯犯一
片石浸假而造作浮車用紅夷泛海而來我何以應之兵
法曰善攻者敵不知其所守善守者敵不知其所攻又曰
以一擊十莫善於阨以十擊百莫善于險以千擊萬莫善
於阻釋此而關門之守思過半矣故職謂守關之策有三

其一以山海爲家當以前屯爲門戶以寧遠爲哨探以一片石老麻灣爲左右壘共置兵二萬分屯駐練且耕且守奴不來則用趙克國困罕并法報來則用李武安守雁門法養威蓄銳俟我生聚多教訓熟然後與問罪之師此正着也其一以前屯爲家當以寧遠爲門戶以廣寧爲哨探以興水城覺華島爲左右壘亦屯兵二萬張疑設伏漸進漸逼諸虜可使則如督臣誘哈喇紇與之仇殺以伐其交叛將可通則如輔臣間劉愛塔與之疑求以潰其腹乘機觀變候彼釁可投隙可抵突然爲批吮之舉此奇着也其一以耗文龍爲前茅以沈有容爲中權以查國芳爲後勁

一則揚帆皮島。一則搖櫓連雲。一則鳴櫓于三岔口。上下使舳舻相望。風訊時通。又善結虎會。假金白復仇之舉。聲言水攻老寨。陸取新城。奴必狼顧狐疑。不敢出遼陽一步。而榆關將假以粗安。此虛着也。夫正以待其來。是堅壁清野之法。奇以俟其變。是處女脫兔之法。虛以亂其謀。是多方以誤之法。總之爲守關計耳。而關門及水兵非六萬不足以壯虎豹在山之勢。扼鯨鯢橫海之氣。不然。我之所防在此。奴之所攻在彼。彼瑕旣動。此堅亦搖。關以西尚得安枕乎。此皆輔臣秘筭深圖而職得之。面相商確者也。若夫全聽回鄉之語。謂奴酋八子已亡其半。佟李二賊實不相

能其棄廣寧而不取爲畏我避遼陽而不居爲遠我纔因
雌伏便忘鴟張襲師老財匱之談爲省餉銷兵之計此非
職所敢任也目今關外室廬盡燬衙宇皆灰卽佛刹神堂
燕巢古木山房島舍鴉噪寒煙磷鬼夜號胡氛朝慘尚不
是可居之地但業已分派兵馬安插遼民我進一程則奴
近一步安得三台高坐徼倖

封疆應照輔臣原疏簡才智沉雄之道將出而料之庶信
地分明人無推委城池修守士可憑依當必有蚤夜圖維
爲

皇上出死力以悍嚴疆者何至安厝火坐燕堂以奴之不

安平神師
武侯台風
符洞破敵
皆以報濟

來爲幸哉。若職既奉勅巡撫遼東山海自不宜駐足關門、
則冬夏居山海、春秋駐前屯、侯臺堞告竣、鷄栖有地、當身
先將吏以爲榆塞嚆矢惟望、

皇上憐念孤踪有求必應職卽不能爲郝靈荃傳介子而
輸攻墨守僥有成謀此時且亟九泥異日徐操尺組必不
敢負吾

君吾相使逆奴笑

中國無人也

職方司員外鄒維璉上言臣觀近日刑部主事譚謙益疏
薦異才宋明時臣初意其胸中必有數萬甲兵足以登壇

此非專恃
符呪方
此人故
此論足破
千古之惑

專閫旦夕提一旅滅奴賊除克雪耻在此一舉臣同官郎
中王繼謨叩其中藏不過書符作法請

玉帝之勅旨調天關之神兵而已始曰需兵十萬同官以
爲難則曰一萬亦可同官請試其法則曰法不可試試則
法敗惟待時做出一舉而復廣寧再戰而復遼陽果若所
言

一語破

朝廷何惜一萬之衆不以蕩平門庭巨寇而使生靈苦于
戍守軍國疲於轉輸哉但自古及今未有使鬼役神能破
賊成功者臣請歷數於

皇上之前古者蚩尤作亂能布大霧迷軍士其術神矣黃

帝與戰斬于涿鹿之野漢之張角晉之盧循孫恩元之韓山童劉福通俱以使鬼邪說燒香惑衆矣後竟敗亡

國朝永樂時山東妖婦唐賽兒聚衆作亂自稱佛母能剪紙人紙馬相戰旋即破滅近日山東妖賊徐洪儒亦以白蓮伏誅此皆借神說以倡亂者也其無成效已若此矣又有借神說以弭亂者宋時金人圍汴何鼎孫傳惑于郭京之說請選年命合六甲者七千七百七十七人謂以神術作法不獨可生擒金之二帥且可盡復已失疆土襲擊至陰山乃止其時又有劉孝竭等獻六丁力士北斗神兵天關大將之法皆類郭京所爲宋人信之及後金人攻城急

郭京孝竭出城禦之皆敗走都城遂陷此非覆轍可鑒者乎夫選將不以精略而以鬼神則郭京孝竭宜可全宋而閉門修齋之王欽之誠得滅虜長計矣世間寧有是理哉臣嘗謂兵家之事雖可肄習亦由天賦自古布衣登壇如呂望韓信世不常有其餘如衛霍李郭張韓劉岳諸人則多起于卒伍偏裨積功累勞方爲大將然其人皆絕人之胆智超世之才力未嘗屑屑若兵書况談神說鬼也夫趙括能讀父書不免長平之坑晁錯善言兵事不能當七國之變馬謖議論過人不能救街亭之敗又况役鬼使神而可濟于實用耶嗟嗟今日時勢何狀乎白蓮妖賊所在見

告正爲可憂

廟堂之上豈宜先爲左道樹赤幟臣望

皇上再

勅謙益斟酌慎重揣度明時果有真正將略不爲羊公之
鶴卽築壇推轂亦無不可不然臣恐天下後世笑舉朝之
無人也

兩朝從信錄卷之二十

秀水

沈國元述

十月

民生吏治
舍此何適

兵科陳良訓兵民實政宜脩疏曰今之司計者日稟稟憂餉之不足無日不勒考成之令蓋因催念急外解彌緩雖欲不嚴考成法不得也然而官司者征餉者也百姓者輸餉者也既有法以待官司可無法以待百姓倘敲比年甚一年民生年促一年官與民年離一年而餉愈不可問矣職請籌之蓋職觀今日言餉皆言火耗當革職再拾言之似癩似苛然而餉之不足實未必不由此也小民終歲

火耗

勤儉所得寧幾乃既輸正額又輸加派又輸火耗每兩增有盈餘民必躊躇而顧惜已復移以供朝夕俯仰之用而遑餉姑放下矣今日欲完遑餉必明禁火耗如原任撫楚熊尚文較正法馬通行各邑復諭旗儀門書征收不用火耗六字令有司觸目惕然而小民亦實知火耗不用不爲收納吏胥等欺蔽可法也至爭訟爲民間細事而耗財實甚職每見中人家片紙入公門衙妬數十輩魚肉之迨一訟經年累月而富人亦爲窶子頃日撫按至府縣以少准狀清其源以速與歸結杜其蔓延行此二者民無重征又無構閭相安而耕鑿足當漸有寬盈之意其輸納視昔必

清弊

民情

易此即孟子所謂省刑罰薄稅歛而耕耨出入秦楚可持
挺平也非迂也方今民間最靈無如州縣佐貳佐貳爲官
轉卑于民轉近害民轉切彼無做官求名之想而偏多吸
髓剝骨之技一憑堂官之委用恣生平之咆哮殆無不至
矣職伏願

皇上一明旨令撫按嚴諭佐貳不得濫一辭營一事
州縣凡事親決不得批一辭委一事而又時偵察有濫辭
營事者急逐之有輕批妄委者立劾之而又通行郡邑刊
牌榜諭與衆通知庶正官寬恤之所得不克佐貳之索而
民得盈餘奉公此完餉一急務也然又有署印官當議職

每冗邑之衆循會數年。計之未足。署官數日。剝之有餘。切
宜著之令甲。通行送并官。非科目出身者。不署官。非數有
賢聲者。不署。倘妄用乏人。寧以降近廉明官兼攝。而無多
種蠹。蠹廢前官。寬恤之。所得不克。署官之素。而得盈餘。以
奉公。又完餉。一急務也。夫是皆省事也。防奸也。懲貪也。摠
歸于阜民之義。而餉之根本植矣。若川餉有當議者。關門
必須清兵。夫清兵非樞輔所欲言也。然而清兵非只爲餉
也。閉關城。不過斗大客兵十四萬。僅得武亭良未深。便清
兵。則必練兵。練其能戰之技。而兵不逃。練其能戰之氣。而
兵不逃。兵不逃。則可戰。而守不足言。逃。則不可守。而戰無

成撫按
最便

論前者乏餉半月逃散四出民心大略覩矣而今得無清
兵與清餉耶清與阜俸薪等費清兵以清馬耶清豆等費
而清餉在其中清餉而足餉亦在其中矣此說終難議罷
也若催餉有當議者部司官斷不可遣夫餉亦每省數十
萬或數萬爾撫按專制一方曾不卑智竭慮爲

皇上致之闕下設撫按何用撫按既摠于急公不爲
皇上致之闕下部司官去又何用夫部司官等于撫按
也部司之威靈豈勝于撫按道府州縣也迨至號令不行
部司束手而撫按且藉口曰差官已目擊矣勢如之何司
農又卸責曰吾業已差官矣姑俟其至上下相推餉歸烏

有而徒爲部司官添榮還里之樂爲不肖有司開筵楚搜括之門。驛遞搔煩供應增設嗟嗟害難言也。恐此說終難議行也。若夫餉之不完其來有三。有自民間通者。有自州縣匿者。有府司道邦解別用者。此在各撫按先清欠餉之窟穴而后增完餉之實效。體訪得實明白具疏指明入告方有歸着。而第是泛泛查叅曰某知府幾分某縣若干故事塞責。恐于今查餉不關切矣。夫是用餉也。催餉也。查餉也。職言之甚陋而足餉之道慮不出此。抑職更有說焉。今天下呼應不靈全由法紀不肅。朝家無點鉄雨金而殊有巧術委戀如登萊盜撫勸臣之言曰不懲奸雄干既

往局傲貪橫于將來有盜如此而遷延勘糧不逮正刑
庄具告

皇上則國家其寧有法而該部亦何說之辭也則又何怪
么膺之譚謙溢竊取三萬金入手而以數軻兒戲之車完
局復以說鬼說夢之宋明時梳局也蓋議論混淆功令失
實至今日而極即爲行取一途今日軍功明日邊俸恨不
肩摩入朝而真正廉明便民功在保障反不表見于天下
而徒以供人之污穢克人之刀祖令豪傑徒氣欲死又如
職已未咨中多少龔黃卓魯之吏沈景初邵良知輩皆治
行第一而曾不與清華之選至今有遺珠之嗟乃今者比

及三年、便思躍治天下事、可勝扼腕哉。職在戶言戶、芹曝于蒿、倘安民而併處、切于功罪名實、統祈

聖明垂擇。

聖嗣誕生、命國公張惟賢祭告、南郊、伯張慶臻祭告、

北郊、駙馬侯拱宸祭告、社稷祭畢、百官慶賀、

諭停刑、

平遼總兵毛文龍上言、海外兵民日急、亟請兵餉、

上命給漕糧十萬石、其招商等事、速與議覆、

加屯政卿董應舉巡撫之職、以重事權也、

詔嚴獄禁、

時李維翰等劾出入長安右門扭錄長板悉案
人待之。上怒其非法，命該科舉經管等官
免河南進貢圍屏。

速登撫陶朗先

明倫彙編 家範典 卷一百一十五

閏十月

遼東巡撫張鳳翼以關外遼民漸廣謹陳賑恤消彌大計
疏曰職以十月十二日從輔督二臣之後再閱邊城見鵠
形菜色之民無地不有告苦陳情之狀無日不聞夫職固
守土之臣也兵馬之權雖操之大將而封疆之擔則荷
之微臣職不拊衆安邊無所逃罪况兄聞已確何敢不以
實陳告以辜

皇上任使之仁慨自廣寧失陷河西一塊土盡染腥羶矣
賴輔臣慷慨當關經營間歲扼方張之虜勢聯幾渙之人
心收破碎之河山葦丘墟之城堡是昔日爲盛國而今日

爲豫國矣。豈不快哉。然而細察人情之恬苦。詳觀時事之隱微。則見可憫者有四。而可慮者更有五焉。何謂可憫。

祖宗綿世澤以厚武。蓋亦爲載在盟府。毋相忘耳。乃喪亂以來。號帝告身。幾爲煨燼。其僅存者。又力不能承襲。俸無處關支。困憊顛連。日向職哀鳴求祿。而職不能爲計者。此可憫者一也。國家勵學宮以作人。蓋亦自庇此薪。賴以求用耳。乃奔逃而后。衣冠圖史。盡付泥塗。其苟全者。又無營序以棲身。无祖庸以代食。流離尾項。日向職怨惋乞恩。而職不能爲謀。此可憫者二也。人必居食饒而后稱樂土。遂民樹蓄田廬。俱歸覆沒。或糗糒不備。一飽無時。或苦蓋

不完數椽罔措如田珍張思聰等千萬口向職號籲而職
無物周全此可憫者三也人必室家聚而后慶有生遯民
夫妻父子強半仳仳或被俘東夷竟消雪窟或見羈西虜
淚洒冰天如羅舉劉漢傑等數百家向職泣訴而職無計
救援此可憫者四也嗟嗟干戈患難死別生離爲人之苦
趣極矣遯人兼之

皇上試思此室家關外之衆不恍然在湯火中耶若夫寧
前一帶雜處賊巢嘗聞殺掠況今有間可乘王燒餅之挫
方新哈喇慎之窺又至頃且欲使通奴聞夾使射傷出哨
官丁吳文前狼後虎此在奴衆者可慮一也然恍曰戎索

是稽也。若戍卒臨戎。從來善走。以十四萬之衆。犹忽爾潰奔。况今無強兵健卒。故缺餉。則甘心投虜。從出則跬步難前。頃防寧前者報駐。前此亦告逋矣。風聲鶴唳。在在是矣。此可慮者二也。然尤曰。軍法足繩也。至迹人避難入關。如飛鳥依人。爭入州而州不見。憐投縣而縣不任。受甚且扶騙者。指爲逆黨。佩劔者目爲刼徒。以致忿懣出關。但言報復。倘奴氛再熾。恐其有倒遼陽之戈者已。此可慮者三也。然尤曰。恩膏難結也。彼奴酋賄用漢人。嘗開關探事。邇從水來者以萬計。投陸者以千計。不納恐傷王度。納之俱蔽奸人。即盡城之內。短髮成羣。倘奸細匿中。恐有習三岔之續。

者已。此可慮者四也。然猶曰盤詰難清也。最寒心者新附之驚。寬未定。收合之餘。燼難支。且城廓不完。米粟不悉。甲器不充。應援不及。萬一奴驅長騎。岌岌危垣。其有幸乎。此可慮者五也。職所謂日夜焦思而肝膽塗地者也。幸輔臣多方存卹。惠此予遺。極力綢繆。遏彼亂略。亦既令逆奴竄伏。畿輔不驚矣。惟是可憫者。情殷于望。救必發金。發粟以資播種。不能以安集哀鴻。可慮者禍隱于難知。非足食足兵以壯干城。不足以剪除封豕。則今日政無容偷安旦夕。而以封疆性命爲嘗戲也。第恐是五者見之。關門內外商旅烽屯。市廛蟻穴。方且言兵可日銷。餉可漸省。職于茲有

大恐已伏乞

皇上 勅下該部以收拾人心爲第一義至于還鄉男婦
于撫賞內量行賑濟凡指揮千百戶文武生童男婦容職
行關外寧前三道查明便宜處置至于扼西虜攝逃丁懷
保難民提防奸細與夫相機進止以定戰守機宜職奉輔
督訐謨已拮据匡襄幾倖秋防無事至此而一切軍需之
奏手不能不仰聽於 廟堂主持也更乞

皇上發盛甲并遼東節年馬價並求發用以市騰驥庶安
民禦虜有資矣臣草疏方畢見輔臣有任事得人一 疏
內稱使撫臣得展布四體以盡其才切照關門軍務輔臣

可奈何
天祐五年
于同政

提其綱領臣理其條目譬之家督授任而主伯亞旅各效
其能亦何體之不屈且盡哉見各鎮援兵非輔臣提之不
動五部將領非輔臣運之不靈中外流言非輔臣鎮之不
肅東西狡虜非輔臣察之不威此何如關係而可一日少
輔臣者若欲臣肩茲重任是責小猥以當輶必無幸矣懇
乞

皇上 亟賜 慰留以安危鎮是 宗社之福也

附史部議遼東官舍襲替例三韓淪亡二十五衛之官
舍死亡竄伏者十之六七其渡海奔關者尚存三四其
祖宗汗馬之勞非有罪犯一旦斬焉而不得襲心實傷
之事出非常委宜從權勿執邦政條例責其疏無勤劄
毋猶諸項是時查得史正道張堯年王鼎三名已有的
據補給號紙路問禮陳守祖陳所開湯啓武陳耀武五

何則能齊錄

卷之六

七

名雖有可據所供錯亂羅英傑鍾汝達劉文炳應時崔
應選鄭天重史洪訓于妮黃捷武等雖有自供宗圖衆
口稱係俱暫准給執照各送督撫衙門食總旗遼舍各
帳若能立功再加升賞俟遼平之日准其據執照告襲
替約自天啓三年十月以前人文到部者照北施行以
後凡有違舍告襲者俱從違遼撫衙門告詳查覈無
碍方爲起送本部詳奪施行蓋恐奸生意外串買宗
圖一張紙易一世官濫觴之弊所當預爲之防耳

吏部接出

聖諭朕賴

皇妣慈佑延育皇子實深感慶茲特推恩皇親太子太保
新城伯王升著准封新城侯伊男錦衣衛指揮僉事王國
興升指揮同知伊孫王國泰升錦衣衛正千戶俱給與應
得誥命該部知道

冊封慧妃范氏爲 皇貴妃。

吏部又接出

勅諭朕以皇子誕生內閣輔臣忠勤懋著宜特加恩示酬
元輔向高加上柱國兼支尚書俸廕一子與做尚寶司丞
次輔熾加左柱國兼支尚書俸廕一子與做中書舍人宗
彥承宗各加少保兼太子太師國祚秉謙延禧各加少保
兼太子太傅廕一子入監讀書廣徵加太子太保進文淵
閣廕一子入監讀書餘官如故都照御給與與應得誥命
如勅奉行

涼馬個捷報。

涼馬、餉地在江東、奴酋部兵俱在餉中、放馬安歇、毛文龍偵知、領官兵一萬五千、分路齊進、火攻、斬獲級馬、驗賞有差。

牛馬大捷。

時探奴情蠢動、文龍調水陸官三萬、襲二十日、狼兼程而進、分為三敵、奮力追殺、斬級二百三十有奇、生擒口人、獲馬九十四匹、器械二百三十件。

御史周宗建謹列保養大端、以佐銓政、以迓吉祥、疏曰、臣以一介疎愚、荷叨按楚受命而往、中心永惕、勉思所以仰報

皇上以無負任使、而顧臣竊念百姓之安、稱于外吏、外吏不職、即百方彌縫、皆虛文也、朝端之虛、係于內察、內察

不整即百端粉飾皆故事也以今 天祐

聖明誕生元子舉 朝臣工莫不欣欣頌

皇上以無疆之休而會有新冢臣之 命適當其時羣心
踴躍無不謂迎和集吉收天下之善事以迓太運者尤在
今日矣而臣以爲慶有自生祥有由集賢人君子者和氣
之所鍾而人主善事之所集也天旣合珠海之祥而以萃
之

皇上則

皇上安得不合師濟之祥而布之 朝班臣敢稽列大端
仰聽 採擇而其一在用人之途則宜闢夫班行充滿賢

士布列可謂過于寬矣。然臣尤謂得百衆人不若得一賢士。拔一平進之賢不若拔一久辭之賢。彼有事起一人之構者當就一事而日其端委誤出一時之倡者尤當就一事以雪其生平。疏庸抑以暢太和。護吉人而光王國者。此今日新銓秉政之第一義也。而臣以爲川人之路則宜清。今用人者首重起廢一途。顧起廢者拔之久綢勢難拘以常資。而考其生平應稍爲分別。有年資同者當論其才品之各優。有才品同者又當問其挫抑之來歷。有因抑同者當核其註誤之根因。有註誤同者又當查其情事之真僞。同一爭國本而或杖或奪或留中宜分。同一爭礦稅

而或逮或謫宜分同一爭國是而或抑或伸宜分但使爲冢臣者預爲參酌若惟衡水鏡之無私而後遇缺惟遷規矩準繩之不亂又何至彙升之世反開躁競之門而中正之途反來濫觴之謂也此尤今日士風臣節一大關鍵也而臣以爲用人之權則宜專夫冢臣者庶長之卿而爲之表者也家有長子羣主伯臣旅莫不仰而受成國有保衡即羣僚百工莫不望而起憚而今使長督之前駁開名利之口于主伯之地屢問升降之自所求日廣則後應之路且窮周旋日煩則失望之嗟頓起毋論權旁襍而不清亦且體褻狎而易犯古大臣正色立朝啓事入而人且

大本領
法

莫知其由。除書出而下。且無從措手。此風軌未還。可師可
法。此尤今日澄清世道一大本領也。而臣以爲用人之法
則宜一。夫用人者有進退兩柄。故文選主進者也。即當分
別其應退者。毋混于賢路。考功主退者也。即當分別其應
進者。毋滯于積薪。自昔唐虞尚嚴考績之期。豈於今日反
可行越俎之事。在冢臣風望新猷。自當大有整頓。而以臣
愚見請于天下。凡官各定其應轉之格。仍預列其資俸之
序。勒成一書。合于格者。就其官俸之上下。以爲遷轉之低
昂。而不及格者。即賢者勿混。此功令一定。懸諸日月。即有
躁進者。自安心于資序之尚淺。而無營。卽有孤子者。各類

首于程期之相遇以自慰用人者術簡而易操而待用者
途清而難濶于升降之中寓化競之法又何統均之府爭
爲講讓之場也此尤今日疏通內分一大補救也臣閱世
二十餘年曹局屢更是非無定往往千六年內計一改用
人之色往若癸巳一察持公秉正人無間言惟有乙巳一
察而內留之科道至今唾爲奸府又繼則有丁巳一察而
妄掛之名賢至今頌滿公車頃者公道昭明世路漸整我
皇上復以英明而照臨之一時之景運豈宜虛度而海
內之沉滯尚煩彙通軫封疆而櫛沐之勛猷可思預轉輸
而督運之功入可念矜齒沉而數奉

明旨之部臣可通體輿論而底赴之諸官可轉凡此皆所以伸和氣而增休祥以終今日用人公案者豈當以老成簡命之初而獨無一番之大開霽哉而

皇上之信任在時而老臣之報國亦在此時矣臣仰承察吏之責而敢效用人之言當羣情鼓舞之辰而進彙征人之說凡以爲

皇上之吉祥善事也臣身遠天顏聊抒芹曝之獻統祈皇上速勅允行

南京庠宗庠鑑監生陳開相謹題事覺捕繫

署倉場戶部侍郎陳日庭題請

奉酌行預放以免

蠹以裨實用言職代庖倉場查得漕運歲額四百萬石除撥派改折實進正兌改兌僅三百三十餘萬耳自徐青妖變運使塞至今歲之夏月始進去年之陳糧而今歲新運兼帶去年糧五十萬石諸臣已疏其苦茲背秋涉冬正兌日輪坐撥未滿一輪轉眼水落冰堅不知陳糧又作何狀則近來事變起運之難如此也進京之糧既止有此數復又截去賑濟貴州八萬加以振武營新兵入衛禁兵隨任家兵墩軍等按月坐索難以纓舉則近來事變增出之多又如此也是以進庾者日縮千額而支放者日浮千數向之支放挨陳直在五六年以前今之支放挨陳幾在一二

年以內耗竭之形。不爲寒心。足食之策。何以措手。且每糧一石。起腳水次輕資等費。比之到京賣價。不啻五六倍。非比旧。故緩急。加編尤可立時權宜者。縮則日絀。固別無取盈之法也。職正與司屬日講。粒米如金。毋得漫視。太倉一粟。積餘一項。須求實用。無屑虛文。而免新太海運倉主事曹履吉呈稱白。

天啓三年正月十二日受事。歷任九個月。放過挨陳米三十二萬五千石零。免尖凍糧四萬六千六百石。共三千七萬一千六百石。除加放存米三千五百零外。俱斛而准足。巴米堅好。不損軍糈。仍積出糴米一萬二千五百石。職先自

立節貯厥國貯俱係揚淨籽粒可食乞行坐放免致耗竈
尚餘放積票另報等因臣後查前總督倉場戶部尚書李
宗延于七月內具

題放糧必依挨陳遇有糠粃泥爛另販收貯各官不得慕
羨餘之虛名將空米土米舊販米混報其歷年餘米創盤
驗作月糶坐放明見各官苦心清操不許歷年又貯今人皆
爲塵飯土羹者慮無非欲軍有實惠官有實濟也今該司
既已挨陳除去泥爛日盤新積自立販廩至于請行坐放
則又知顆粒皆實與帑上虛扯別項者何常星淵而隨時
給軍則正前督臣不許久貯令人指爲塵飯土羹之謂也

夫履吉管倉不匝歲耳而積米至萬石餘司計者皆若此何憂國用之終匱倉有大小放有多寡而視九閱月所放新陳多寡之數以爲積數無不可也臣方苦積貯不足憂心如焚而乃有溢于額外者臣之喜亦出望外矣本官雅才卓越而乃竭力與司庫精會計尤足重也臣故于批行坐放外特爲具疏以達

聖聽伏乞

皇上初下吏部紀錄自後督臣于各倉積米咸令各自立數各于任內隨時請充正項隨時儲放坐放乃稱實節省乃爲實幹濟將虛報者無所容而苦節者有所勸其用

人理財豈曰小補之哉

湖廣牛妖豕怪

辰州沅陵縣民家牯牛生犢一曰二頭三尾當即剖殺
一心三腎又民家猪生四子最後一子長紫猪身人認

隻眼

陝西怪鼠

鳳縣民入山刈薪忽見長尾大鼠一羣在地剪食穀莖
打獲一鼠狀若鼯雞之狸長一尺八寸闊一尺兩旁肉
翅腹下無足足在肉翅之四角前爪趾四后爪趾五毛
細長其色蒼鹿尾甚豐大人逐之其去甚速亦覺能飛
特不高耳割其腹約有升黍

鄧司寇申
明憲職趙
衆宰再創
及心二疏
始不負表
述之義永
承可垂

十一月

吏部尚書趙南星再剖良心疏曰 萬曆十七年臣爲文
選司員外、睹士習之不端、慨民心之日蹙、陳剖露良心一
疏、言大小臣工之干進、及守令害民等事、于在位者多所
譏切、而爲科臣所叅、蒙

皇祖優容之、請告歸田、二十一年起爲考功司郎中、以骨
察得罪去、蒙

陛下復起之、洊至今官、向時天下方太平、臣之言似爲私
憂過計、然大小臣工不能以其干進之精神、用之脩職、因
循苟且、以至今日、士風大壞、吏治隨之、而民愁苦、愁苦而

利治亂
實責一
相仍是以
君子不

不慎其始

國事從作錄

卷三

七

外夷乘之內侵外夷內侵而愁苦之民乘之作亂天下之
平去矣此。前臣之罪。而今臣之責也。今臣復不能改則天
下之亂當不止此奈

以從偶良
心為任何
勇于過議

陛下之社稷何臣老矣幸而良心尚在所為竭智力于
陛下者不過與大小臣工各以其良心為社稷蒼生而

可耻也

已。今科道諸臣之條陳鉉政者大都皆言于進之榮欲獎
恬而抑兢兢然其良心為富貴汨沒皆以于進為當然若臣

正人再
無心下隱
操之望

先無良心于之則力為推轂不干則任其淹滯誰將之而
誰抑之乎且夫天下之行私最便而得利最厚者莫過于
吏部臣亦人也豈無鄉里親友門生豈無私心然而不敢

真恐

清醒地

陛下之小民皆在水火之中而居官者皆欲得爲京堂若
賢者皆欲其爲京堂庸爲京堂即欲爲巡撫爲卿貳若絕

庶幾何可
不思

民見最可
愚古今同
然

無救民之意可以救民者莫過于巡撫而此官甚不易作
必德望威稜貪污絕無者而後可耳其次則知府最急知
府賢則縣官不敢害民二者官有大小皆實實選擇破格
而用之又任而優擢之者也近聞多從人討而得之何怪
乎謁選者以討缺爲常也語曰意苟善雖不智可以爲長
夫既已爲長則宜以長待之若人人以其智求多則一事
不可行惟大意既善則從之而忘其小缺此又羣人所以
相容也天下之最可患者莫甚于民之作亂而夷狄次之
今幸而稍定尚可不爲之防乎臣以爲防之自知州知縣
始蓋民之將亂必相結成黨由三五而百十而千萬夜聚

漸入情隱

其可絕制

其食是瘠
夫第一義

其末如是
其所以亂

曉散非一日也。然里必知之。衙役必知之。而有司不知。與
聲替何異。及其亂也。乃聞之上官。爲之典兵動衆。以紆僂
之。既平而論功升賞。守土者爲最。孔子曰。虎兕出于柙。是
誰之過與。今出柙無過。以與衆逐之爲功。則孔子之論。列
無謂宜。有司以民亂聞者。新任則反論前官。任及一年者
則令之戴罪捕賊。焉能防亂于未作乎。然莫急于懲貪。今
有司之貪已成風。而長安之書帕。自十二金而至一百有
至二百封者。此皆何從而來。安得不貪。貪則多酷。既廢其
脂膏。又加之毒痛。民安得不亂。如是而但論罷之。如行商
而得素封。有歌舞而爲耳。謂宜以職跡昭彰者。撫按先行。

法行則犯
者自解

究問。確然而復具。奏追贓正法。以抵兵餉。而減加派。如有所囑。受賄曲爲庇護者。臣奉養重處。庶貪風可漸息。而亂萌可消矣。故曰

國家之敗。繇官邪也。官之失德。賄賂章也。臣旣以自責矣。司官所言共事者也。臣欲遇各省直司官之缺。發單于此。省直之卿寺科道及吏科河南道掌印官。會舉其才品異任者幾員具題上請。以憑

聖明點用。務極一時之選。至于掣籤之法。上古以至我朝所未有。自

皇祖年間始用之。以不盡善。其初卽不能行。遂有造籤之法。

請復舊制
為是而行
之在乎其
人會舉之
法益不可
不力

用人行事
皆求其可

討缺無不如意御史翟學程之疏至以為可笑良亦無怪其然荷卿曰探籌投鈞所以為公上好曲私則百吏乘是而得偏此假議以見行法之在人也而不意天下之果有此事矣似宜變之以復

祖宗之舊例臣必不敢徇私官無不相信即有徇私者亦以不能率屬治臣之罪而必無所怨矣而人雖為善必得天之心而后利有攸往

陛下猶天也伏愿鑒臣之朴忠事之不可行者必不敢望

陛下行之人不可用者必不敢望

是大臣心術

陛下用之可行可用而犬馬之誠不足以動

天心煩瀆則恐得罪然而息焉則衆皆責備之以爲持位保祿無面目以立百僚之上伏惟

聖明 留神 省覽

案卷終

御史樊尚燦飭鹽法議曰竊照歲額之所入自民賦而外鹽課其最鉅者矣三商流轉九塞飽騰事因而不設機運而無端立法亦最善矣顧始也因民之所利以利商而因以利國詎不妙若轉圜沛若流泉哉第

祖制漸失人情滋僞以兩淮鹽課足當天下之半無奈浮課之後繼以套搭而商困即今套搭漸鮮私販盛行致官

鹽壅而商愈困。困而虧損額課。而國亦困。甚至私販不已。加以私囤。乘急高招利。不在商。不在民。并不在國。徒以飽奸宄之腹。而國與商民俱困。此豈大海之利。朝廷不能究。而反爲若輩攫取乎。則以有治法。無治人。積漸致然耳。誠欲裕額課。無如行三鹽。行正鹽。無如先禁私販。而欲禁私販。無如慎重行鹽之官。而運使其最要者也。一切引目之收發。歲課之領解。何者不經其手。於此而清。何所不清。然而清之。亦最難矣。引目有新舊之混淆。商竈有奸良之襍沓。就中猾胥乘間。利之所在。百竇千孔。非真得廉明敏練。有定識定力者。不足以澄其源而障其淵。安能

令商賈獎絕稱愉快乎故職詳者無如此官任勞任怨者無如此官則所當破格優擢者亦無如此官試思一邑之長吏以催科兼撫字者即以循良卓異徵夫軍國命脉寄托其身曾不計所以旌其廉而獎其能縱勞人任士未有不灰心短氣者銓政亦大不平矣臣以爲自今以後斷宜酌定成規運使官果有潔守長才能率其屬以甦商裕國者即查照三品官階一體升遷無豫擬其前途之不遠無槩弃其後效之已成當此三空四盡之日必不可無此激揚之一法而運同副判以下不肖者誠無辭白簡果有清勤自好能效一官者亦宜照級叙升無以財賦之地視爲

羶穢之物。一入其中。竟爾埋沒。斯尤鼓舞之大權也。如委掣鹽斤一節。往多營求。大都求委之官。必非自愛之官。其肺肝便可立見。臣每痛恨。邇來時事日非。世風大壞。皆緣情而太多。以致寡廉鮮恥。國憲昭然。誰敢假借。在臣等自能持之。惟是比來各船動多夾帶私鹽。而回空糧船爲甚。舳艫百千。揚帆留臘。倘搜緝稍急。將挺放火。羣擁拒捕。莫敢呵阻。夫百萬淮課。九邊急需。而糧艘敢公然撓販。大損國儲。此其日中寧有三尺哉。况名曰回空。原取輕便。若夾帶太重。不惟害鹽。亦且害漕。不及今嚴禁。所靈於鹽政。清政者。不小。皆以御空無官至此。合無申飭各官。遇

船交卸必親自押空回南更

勅戶部行文各船到彼不許私買以杜其所從來及糧船到淮進關與瓜儀出口仍嚴行盤詰違者依律更取押運官結狀如前途有犯一併連坐如是委掣得人以清於內又押空有官以清于外內外交清私販路絕國課自寬然有餘司農何煩仰屋

聖明何事焦勞哉然私鹽之禁揔在官鹽之行而行鹽之官在外自鹽道而外莫親于守令亦莫急於守令其間行鹽口岸與引鹽數目皆其職掌

祖制鹽法攷成最爲重汰焉其與民賦等也近多聽私販

私圖。一遇考滿虛捏分數者十有六七。又糾怪乎正鹽之壅滯。而內商外商不俱病乎。自今以後務定令府州縣官照引行鹽鹽完引銷更案銷案繳出。府而道而院確查其銷繳之分數以爲殿最。有不及額者照例叅處。庶督責嚴而商本國課咸有定濟乎。臣謹

聖朝無厲禁。明主無專欲。獨是陽心加派小民之膏血。已竭驚神缺餉。飢軍之脫巾可虞。苟有利于國家。誠何愛于膚髮。諸所陳喫緊事宜。直據愚悃。用佐然眉仰祈聖明採納。國計民生幸甚。

戊午可灼

上以川貴搆巢解圍各官勤勞日久功當先叙于是朱燮
元加右都御史兼兵部右侍郎仍舊總督楊述中升俸一
級仍俟推用王三善加兵部左傳郎兼右僉都御史薛貞
加右副都御史俱照舊巡撫張詢候恂林宰楊松年俱候
升京堂戴燦升二級閔夢得王世仁李仙品赫奕陳龍光
吳光義劉可訓朱芹繆國維陳虎言向日升徐清楊世賞
各升一級周著楊述程丘志克准各起用楊杰程丘志克
仍加升一級餘俟平賊另叙

平遼總兵毛文龍報牛毛再捷

是時似得如舊欲集兵澎湖文龍即統各將陸續
盛許日新策進兵牽搆揀險設伏斬獲敵馬有差

西賊合兵窺我遵永

時蘭賊者崇明奢寅屢敗心大慚愧蜀局已將告竣而水西安賊復助兵合謀一窺遵義一窺永寧而黔事愈急矣

僉都御史王洽程正巳徐良彥魏雲中巡撫浙江保定宣府寧夏

滇南巡撫閔洪學滇力已竭疏曰今之爲滇寇者內夷曰補鮮曰設科曰張世臣所謂腹心之疾不能一朝安者也外夷曰女効良曰祿千鍾曰兩王保所謂肘腋之憂朝不保暮者也至於黔之寇曰水西顧滇門戶在黔滇與黔寔共安危亦不得以門庭之患作膜外視者也試思此諸寇

前明史書卷一百一十五

者有一焉不誅鋤勘定、滇能安枕乎、又思欲平諸寇、需幾許兵、幾許餉、幾許文武將吏、而滇有一乎、或見滇師、平羅平、搗六佐、以爲所向無前、不知漢兵數萬衝鋒、實止三四千、並暫爲呼集、非長川可將之兵也、或見東那西泰、滇餉苟延旦夕、不知已括底倒囊、而各兵歷過之糧餉半年未支也、或見監軍有人、統兵有人、不知手握四五篆、定不免顧此失彼也、或見祿千鍾二月獻賊之後、瓜叻暫匿、張世臣亦赴府投降、不知二酋鼻息仰于水鳥、未可認賊作子也、或見阿九已授首、補鮮安應龍已逃、不知二叛兄遁普界、捲土重來、夢寐不忘、如近日平夷大犯、情可槩見、憂未

歎也至安勃良桀驚由來已久方蘭州未叛一年之前于
戈先尋矣彼狼子野心寧真俯首帖息就我牢籠不過彼
以快我我因以愚彼今情見勢窮恐禍機猝發東川需益
普安一時雲擾滇必不能四面應援此目前大危也又水
西緊壤泗城臣初欲用之爲牽制水西之計乃頃者滇師
長驅黔境旣四百里連拔其三叛營轉戰殆十餘日而泗
城未以一旅來會其不爲我用可以泗城不爲用恐安南
不能久持必折而入於賊滇一綫自此永斷將來規復
便無處下手此又目前大憂也亦旣遍集士馬統以諸將
以叅將尹啓易駐交冰以叅將袁善駐平夷以叅將施翰

駐越州衛分兵馬龍以遊擊李思忠駐羅平往來師宗又
盡發武尋兵之在城者於各隘以守備金爲貴駐倘甸以
名色守備李竣駐補知各所統一二千多不過三四千若
未足捍大敵而此數萬兵之精安出乎臣又檄普安州署
印同知劉世龍收拾餘燼避其精銳成一軍就以本官領
之駐新普之間使東望安南西望平夷相爲呼應臣所爲
不宿滇兵而用土著以客兵地利不習餽運不繼勞逸之
勢不如未能持久不若以本地官募本地人守本地方食
本地米無携散之勢無匱乏之憂他日滇師大舉因之爲
東道主固策之便者而黔路方梗普兵乏精滇不得不按

月暫給。又安南孤城久困。城中至易于而食。臣責銀千三百兩分發賑救。冀為。

皇上延此子遺。以待恢復。乃滇不能自活。呼吸救死。不勝。又有餘貲。以及黔。乎竊計西南數省。粵既無事之。

國號稱安土。蜀井無事。而兵力十百於滇。黔之危蹙。雖與滇埒。顧地近路活。叶號可以立達。朝廷亦以全力赴之。

屈指兩年來。西南用兵。費數百萬金錢。遘用之文武道將。不下百十數員。而滇所承受幾何耶。豈茲雲南獨非。

王土。官于雲南者。獨非。王臣興言及此。臣心碎矣。滇至冤至苦矣。若不及今將前後紙上題允之餉。一一如數。

情真辭切

立刻解發、文武將吏不致違選殊異、促使來滇、臣無米必不能炊、一手一足必不能撐持、雖廟堂上無棄滇之心、乃不幸而有其事矣、按臣二月將行、部臣固止之、謂兵事方急、呼吸安危、疆事視巡方孰重、按臣以爲然、數月間隨事商訂、幸未有失、一段孤苦危迫情狀、惟臣與按臣身閱之、共嘗之、而廷臣未盡悉者、此臣所刺心泣血而不能自己于籲呼者也、

皇上未忍棄滇、接濟拯救、寧待臣詞之畢耶、抑臣猶有請焉、朝議以援黔倚重鎮臣、將莊田仍歸管業矣、若謂有鎮臣則援黔立效、有莊田之歸則鎮臣立奮袂而起、不

知。接。黔。者。鎮。臣。自。有。之。心。不。待。賞。而。後。勸。其。有。志。而。未。逮。
者。鎮。臣。直。無。如。之。何。又。非。賞。之。能。勸。也。兼。滇。飢。饉。之。後。繼。
以。師。旅。地。方。在。在。殘。破。人。心。處。處。動。搖。臣。偏。飭。有。司。加。意。
拊。摩。多。方。懷。集。恒。慮。莫。挽。樂。生。之。趣。猝。成。瓦。解。之。形。奈。何。
更。以。莊。田。一。事。遍。騷。而。駭。亂。之。言。已。沸。而。加。薪。焉。獸。已。驚。
而。又。爲。毆。焉。此。筑。筑。蚩。蚩。者。非。轉。死。溝。中。則。羣。噪。揭。竿。耳。
正。恐。黔。難。未。紓。滇。禍。已。烈。矣。夫。莊。田。爲。滇。民。患。苦。其。搏。噬。
楚。毒。之。狀。前。撫。臣。周。某。按。臣。鄧。漢。之。疏。益。詳。言。之。臣。亦。
何。必。再。言。惟。昔。猶。太。平。無。事。之。日。今。乃。戎。馬。倥。傯。之。秋。昔。
不。難。解。之。于。倒。懸。今。何。堪。再。驅。諸。鼎。鑊。憶。鎮。臣。今。春。曾。移。

牘于臣謂莊租起解迂迴布政司非便欲徑赴該鎮交收臣隨其說見在舉行是莊田仍歸管業鎮臣之意初不及此今乃以此界之非所謂愛鎮臣以德也鎮臣持重不擾其御左右不少假借但廝役之衆安能一一防閑兩廼之廣安能一一伺察莊田貽害固有不期然而然者臣姑未敢深言伏望

天語叮嚀將鎮臣莊田容有司照舊徵收以成鎮臣之美以奠瀕危之疆一舉而兩利矣

大學士孫承宗奏曰臣據各道塘報具言山右作惡爲哈刺慎部夷郎素貴英先是永平道張稱字只素報郎素等

三十六家夷人于前月二十六日去遼東看空作反據石
竹路叅將梁柱朝報稱耶素于二十八日回巢存留達子
三百餘騎在于遼東遼外打圍暗要作反又據坐門夷人
讓奈召吉報山右作反係耶素三家達子按耶素乃長昂
之孫貴英爲虜中頭目住牧喜峰口外近挾賞于開門鴛
鴦狡猾至斷通事之髮燒高臺之芻撤去坐門夷人除興
水以東爲拱兔坐門不撤而高臺江西旣撤而歸獨仙靈
寺地未歸也此番賊殺明係耶素爲祟臣于初四日遣總
兵馬世龍率馬兵三千備持火器會同山右廣寧兩道勘
失事緣由并相機勦捕仍行督臣王象乾從喜峰口諭哈

喇慎部落分別順逆安慰恭順之心以孤賊黨臣又行副
總兵趙率教諭讓奈台吉各安部分獎其恭順勤勞毋相
鼓煽臣又以向來遼東失事俱因將不固守兵不顧將今
廉仁之將既死職下而所部狂奔問明即梟庶警將來隨
該總兵官同道臣查明陣亡者重傷者優恤其孀稚其逃
官逃兵周繼武等當場梟首傳示五部叅將王楹并死事
員役候另題優卹外又據鎮臣報初九日百數賊騎深
入黑庄窠地方見有倣備雪夜潛逃而各處且報即素之
欲甘心于所不遂也臣念東賊方倡不得不撫西虜獨是
虜既不以撫去殺奈何我以撫廢勦竊意小有殺傷即行

勦。討。毋。得。事。事。姑。息。如。養。癰。終。潰。爲。患。更。深。即。建。酋。亦。效。
虜。也。玩。寇。養。驕。遂。至。于。此。至。于。臣。原。不。知。兵。安。知。勦。撫。獨。
是。臣。所。爲。訓。練。者。付。舊。格。于。諸。將。而。日。以。臣。一。片。肝。胆。提。
掇。一。鎮。之。精。神。見。一。官。爲。官。前。之。士。則。立。加。獎。賞。立。加。提。
援。見。一。頑。鈍。縮。懦。之。夫。則。立。加。斥。逐。立。加。顯。戮。一。時。將。吏。
似。覺。漸。有。生。氣。即。王。極。舊。是。逃。將。以。臣。再。四。激。勵。遂。以。功。
名。自。期。每。托。其。子。于。友。誓。以。死。報。仙。靈。之。役。楹。自。可。以。逃。
即。逃。無。罪。而。奮。臂。當。賊。立。戰。而。死。乃。一。時。同。死。者。僅。六。人。
重。傷。者。僅。三。人。而。百。餘。人。逃。潰。不。顧。特。令。撫。兵。官。擇。其。受。
恩。深。而。負。義。重。者。梟。十。九。人。以。令。五。部。然。而。臣。之。爲。撫。爲。

勦大略已可見矣伏乞

皇上念臣衰病 賜罷別選經略大臣以清撫勦事宜以
定 封疆大計臣曷任激切屏營之至

既而復上防款事宜內言明知西虜之不能遽爲用而要
不能不撫謂撫之況且日擾不撫又將何如然而撫之地
界宜定撫之額數宜定撫之款勦相合相分諸務宜明
御史李玄樞輔遠撤非宜疏曰閩邸報見云貴總督楊述
中緊急軍情一 疏知陸廣島池二處進兵失利黔危不
可救此風一掃恐九邊所鎮莫不生心則根本之地亦不
可不倍加嚴隄備因思榆關去京陵數百里非黔省之遠

在天未者比。寧可徂日前日前之安。而遽忘業土哉。前
皇上眷樞輔孫承宗。仗鉞臨戎。拮据關前。許以過秋防還
朝。辦理閣事。此固惻念老臣。體恤功臣。優崇重臣之意。中
外臣工。誰不欣欣欽。

皇上使臣之有禮哉。茲秋防將畢。臣愚以爲度時度勢。則
今日之召還。尚屬太早。業具草入。聞。兄臣同官劉重慶
之疏。內言及。敢中宵啓。臣可無言。及讀。

明旨。猶兩可游移。未定。欽限也。豈以是爲非。樊檠石畫
哉。蓋樞輔一身。非可有可無之身。在。朝朝重。在邊邊重。
奴酋席兇之窺伺。莫不兢兢于此。朝鮮。登萊。天津之觀望。

莫不拳拳于此。撫院鎮道軍將之血脉莫不流通于此。商賈士民之精神莫不係屬于此。試觀去歲廣寧一挫俱挫所關非淺鮮者。試觀去歲廣寧奔敗之后。人心洶洶不商鳥驚魚潰。一時遠邇有口者咸謂榆關以內非吾之有幸皇上于危急之際。推轂輔臣以理殘疆。未幾車騎到關而驚者息。潰者定。帖然無譁。人心遂恃以無恐。則輔臣之去留豈其微哉。職每讀輔臣奏報而兄者節要精詳。指畫周到。其一段深謀秘計。長駕遠馭之略。不惟他人擔當不來。恐他人亦無此識見。不惟他人料理不到。恐他人亦無此才識。適見遼東撫臣閔鳴泰奏報榆獲作歹夷人一

疏內稱不他氣將伊犯邊賊夷塔不代挹兔兒等三名梟
斬以獻爲數百年未有之奇事此非輔臣之威信素孚有
中國相司馬之望何至使夷人之悔罪若此又聞沿海一
帶挾從之民望天兵如雨歲鎮則西赴榆關機會如此
可不乘之以圖進勦而輕撤輔臣哉況輔臣在關則浮議
不生輔王去關則異政必起寃且各騰一說以掣當事者
之肘無論年來經撫之覆轍殷鑒不遠即如近日貴陽之
圍撫按嚙指斷臂折股易子其危苦之狀許遠而后未能
前匹率能效死全城以成外援雖與王三善同功並勞而
猶謂失輕重之平又且有以消未亂之患者妖賊鼎沸山

左幸撫臣趙彥之赤心報國亟爲升減前恩升賞而
樞輔今欲撤回恐撤後未免無煩者況今內計公平人心
痛快通國咸服已無癸亥內計之害臣方欣幸之不已
而頃且有以香火之情爲展舞之計不顧

皇上明旨之已論甚至以衛國本除隱禍之忠槩
煩抹殺清議亦不顧國家萬世之非又何有關底諸臣
哉邪議之涸清而妄談國是橫議封疆所從來遠矣如
爲社稷封疆計輔臣必不可撤撤則恐倫關失廟豹之
勢而毡裘重睥睨之心矣職爲輔臣計不宜自求撤撤則
九仞之功成虛而三至之杼投矣

皇上即垂念元老不可久歷邊外亦自有奉養優禮之法但願在關諸臣大家同心協力皆足以分輔臣之憂而輔臣則當坐鎮懌握爲萬里長城而以軍國重務分寄之則群策群力之畢集自不至焦勞稱苦徐待秋防后相時而進必自有成功可紀者也職念切危疆不徒爲輔臣之勤瘁計亦亮輔臣國爾忘家願自忘其爲勤瘁也故遽陳其款款之愚伏乞 速賜允行

安民必先
察吏以巡
方之稱職
為稱職
不愧風紀
之長
獨見其大

病根

十二月

左都御史趙南星申明憲職疏曰臣衰頽無識蒙

皇上拔置西臺為諸御史之長兢兢自守以求寡過而保
身名然未可謂稱職也卽此闇昧之心請除去之夫臣無
職也以諸御史為職諸御史皆稱職卽臣之稱職彼出而
巡方者如使百城循理萬民樂業則為一方之太平則為
天下之太平所以致此者非有他術惟在舉劾得當也舉
劾之所以不當者人務于市恩而莫肯任怨也往者御史
之巡方事竣覆命薦舉皆拘舊額固已不當其後俸深升
任者皆在提薦提薦之外又有揭薦昔西漢號多循吏史

止載六人。今

聖世雖曰多賢。然亦不如此之多也。如此之多。則宜有治理之效。何小民之窮苦。憂愁。愚弱者爲鬼。桀驁者爲盜也。以臣所聞見。天下豈無循良。而貪墨成風。無術可禁。自大戶改爲條鞭。征收日重。有一兩加二三錢者。貧民糧少。則倍之。雖父子不許合封。故有司無不立。富者買物。則給半值。名曰官價。或分毫不給。叅謁上司。令行戶隨行。置辦下程。餅師酒保。皆受其累。又有喜于作威者。不問事之大小。一怒卽析人之肢體。傷人之性命。此輩亦得薦舉。非上官不之知也。又豈真不知而故昧心也。不過曰。此我之同

卿故舊不能恕也。曰：此權要之所托也。是能報復不可劾也。不劾則須舉之。又從而過舉之。貪者廉于伯夷而酷者和于下惠。凡今之人誰無相知。求人請托誰不能者。以此舉人誰不可舉。其所劾者皆貪酷而孤拙者耳。又卒多從寬。故曰：舉劾之不當。必人務于市恩而莫肯任怨也。夫任怨之于保祿位甚爲不便。臣年歲以忝位竊過分。如不肯任怨而徒委之後進小臣以苟且塞責則亦不忠之甚矣。夫京官六年而察御史差滿堂官發河南道查核亦謂之考察。言其任怨同也。萬曆二年十一月內本院題爲考察事奉。

神祖聖旨御史差滿考察

先朝事例甚嚴近來通不遵行一槩都准回道豈人人盡皆稱職無過者及遇京官考察之時如何又紛紛議論之今後務要申明舊例着實舉行其不稱的即便叅奏改斥不許回道欽此十八年十二月內該本院全吏部會議薦舉規則具題節奉

神宗皇帝聖旨是近來薦舉汎汎濫濫屢有明旨禁飭通不遵守今後撫按薦舉務查萬曆九年例不得徇私違的該科叅處欽此俱

欽遵在卷每遇按臣差滿具題回道皆以爲據臣極力行

施爲大第
之妙

之卽爲盡職。何必多言哉。但舊章之廢弛已久。則修舉反。若亂常人情之偷惰相安。則振作卽爲多事。臣德薄名微。適足以結怨而無益于殿最也。必仰藉。

陛下之威命以行之。而後可紀綱之廢弛。人心之邪惡。沉迷。未寤。而遽繩之以法。則人不能堪。必先教誨之。使知。

陛下之德意。而後可。天啓二年十二月內。該山東巡按董。羽宸糾劾不職事。奉。

聖旨。這諭劾各官。贓私數多。着巡按官卽提問追贓充餉。事完議處。該部知道。欽此。仰見我。

陛下之整飭吏治。若此其嚴也。臣請以後。按臣差滿。通將。

以舉劾當
否為稱職
不稱職責
而行政

其所舉劾令河南道發單各道一一細加咨訪如考察之
例類送堂上官必舉劾允當而後為稱職不則即以不稱
職論夫臣之欲報祿位非與人殊何樂乎任怨若此哉誠
以不如是則民不安民不安則社稷不安今天下禍深于
東夷兵連于黔蜀而內地之赤子化為妖賊俘虜亦可謂
不安之甚矣

陛下即位以來宵衣旰食未得享一日太平之樂為臣子
者乃忍以市恩自便有人心者之所必不忍為也臣望
陛下渙發德音使領民之吏知貪酷之必不可為巡方之
臣知貪酷之必不可薦提薦必不可行所薦者必不可為

爲廷方不
可不嚴爲
考察

溢美之言所劾貪酷之吏必不僅擬降調從此惕然猛省
赫然愧汗翕然回心而向道共圖百姓之安使臣無怨之
可任而諸臣功名日高祿位從之名實甚粹美光輝及子
孫豈非任人大願哉如以臣言爲迂濶不可行而寘之于
耳臣不敢愛一官以負

陛下高厚之恩也臣平生不敢多言日夜籌度者三月以
爲素食已久于職業毫髮未效必不可以無言然述

皇祖之明旨宣

陛下之德意非敢自爲議論也伏祈

敕下吏部協力舉行

上曰御史問道考核載在令甲邇來視爲文具巡按所屬各官舉劾失真貪酷漏網及至報滿復命不論稱職與否槩擬問道上下徇情市恩避怨以致吏治日偷民窮思亂所聞豈小這所奏差滿舉劾咨訪考察等事俱依議卿以公忠奉職申明憲紀表率振飭各官遵承規例察吏安民人思盡職有何嫌怨着令聞載憲綱永遠遵行

川貴總督張我績病免以楊述中代之

陞懷隆兵備張光緒山東按察使仍管道事

陞張師繹浙江叅政

陞張鳳翼河南叅政仍理遵化事

亮南陞吳監封郎

易雞太捷

湖出牛馬
此出易雞
可謂多方
以候之使
具奪命不
違西行耳

平遠總兵毛文龍塘報天啓三年又十月初一日據添
差哨探內丁千總陳國忠等報稱本年十月二十一
日本差前至遼陽住了三日預有天命長錢保得奴酋
帶了兵馬從老寨回至遼陽偽官修春性何汝傳咬
碎奴賊犯槍只在又十月終準要往西三情到以隨調
各島官兵從各島進發據江淮兵從千家莊進浙直兵
從冰口進征東兵從方山進遼寧兵從景和兵從鎮江進
易從惠從寬英進曲水思從綏陽進又撥王輔杜貴從
鳳凰城進刻以四日齊至島嶼關賊于本月初二日統
督陳繼盛楊僕等全軍從昌城過江直至身離開口候
各路官兵齊集令王甫帶領所部兵馬伏于關左杜貴
帶領所部兵馬伏于關右將全軍退關十里下營其關
口空營埋藏大炮在內令選鋒遊擊馬應奎統騎兵五
百並進攻深河寨斬達撥三名近寨各山柳聲齊响攻
至三日奴酋全兵俱至馬應奎不戰而走賊瞭我兵止
數百騎儘力追趕馬應奎引賊進關緊近我營空營號

炮先發、攻賊陣內、賊眾潰亂、知中我計、便折歸路、正奔
跑間、兩山伏發鎗炮、弓矢齊放、賊眾愈亂、因鼓全軍、盡
力冲砍、復令各營馬兵各帶鎗炮、虛聲追逐、約十餘里、
未便深入、收兵間口、連夜撤行、至鎮江城、查獲功大各
營將官某某等、帶領官兵共斬獲首級二百七十八顆、
本月十二日、又據廣鹿島遊擊某報稱、奉調進兵、行
至歸服堡駱駝山塔、遇有守邊臺達子三十餘名、衆兵
追殺、斬獲首級三顆、連前共斬首級二百八十一顆、先
是掌將劉銀一萬兩、除將五千五百兩給賞前功、除盡
付差官李華先賞往朝鮮買米接濟、後復借布機賞客
員未償、今安得俱有賞也、如使空驗、又夫將兵之望、謹
查斬獲功數、先為報聞、候銀至、驗賞解送、一面仍飭官
兵、防勤外、
理合塘報

平遠總兵毛文龍為乞酌安危孰重省費孰真謹

請足餉以完覆稟事、臣聞諺云、兵馬未動、糧草先行、是從
來軍興、以餉為第一着、顧議餉出之何項、貴從長酌算、庶

三軍無唱籌之憂、主將有足食之庾、此在承平皆然、況全遼已失乎、此在邊腹皆然、況臣居海外乎、且遼地一日未復、兵須用一日、奴酋一日未滅、兵須用一日、夫旣用一日、兵便須議一日餉、臣已董遵視師、閣臣所議以山海爲正、爲首、以鮮鎮爲牽、爲尾、而擣其巢、夫牽其尾而擣其巢、兵須用五萬、足以了平奴之局、今臣有江淮浙直南北游營、征東等處南兵八千餘名、挑選遼兵三萬七千餘名、再用招練遼兵二千餘名、業共四萬七千餘名、其募足五萬、亦易之矣、然以五萬官兵計足一歲之餉、并軍器火器盔甲馬匹、舡隻等項、應總一百五十萬兩、方能足用、今臣止願

請一百萬兩、權宜運用、一切兵馬、無隻軍需等項、悉皆具足、更弗煩廟堂一事、是已、體貼艱難業爲籌著矣、但臣屢疏請餉、戶部屢以匱乏爲辭、又以兵民並言爲托、今卽就兵論、戶部何不打出算盤、明與天下共昭見之也、自有車馬事、海內加派新餉、每歲四百萬、足供今日山海之用矣、尚有遠餉、舊額每歲一百萬兩、今全遠已云、而此項銀兩、川之何地、所當行查出、給臣應用者也、矧登津俱有歲額、糧餉于臣海外、獨無定議、三年以來、止給銀一十一萬兩、運米二十萬石、其穀養官兵、穀養馬匹、乎朝鮮告荒、客帳尚大、那借無地、如此情景、使臣無力制之、奴將西寇、孰危而

但恐餉足
而不能平
數耳

孰安也。海內之民膏盡矣。得早平奴一日。卽早省一日費。用。如將應用之費。反吝而不與。不早乘機蕩平。使奴得延歲月。勾連岳山內之異種。害豈忍言哉。孰省而孰費足。餉不過百萬。若遲一年。便多四百萬。又安知省是費而費是省也。使

廟堂果以節省爲心。是餉不發。卽三年以來給臣數萬銀米。不能平奴大事。爲社稷奠安。亦屬虛費。何不撤回東江兵馬。放職歸田。連此數萬銀米省之。之爲益也。今人說至平奴。便皆駭愕。此是不知奴賊情形。心生疑異。其法曰。知彼知已。百戰百勝。臣則知之矣。知鎮江之可克。率二百餘

人以往。知遼民之可鼓。招致之而無疑。知麗地之可居。不猜嫌而竟去。知年餘之無應援而不爲害。安坐以圖牽制。知奴之可以計取。屢設疑而獲勝。又知明年決可以平奴。談何容易特請足用之餉。邇者大捷。本可堅據險要。以老賊師。因粮不繼。無奈只得撤回。以知粮之關係甚大。今者之請。不辭古蔽。臣意無他。專欲平奴。仰報我

皇上。以暨報數。知遇了此心事。倘卽蒙我

皇上照鑒。怜臣海外微勞。允賜給發。而職掌大臣。又或推三阻四。使臣終不能成功。臣再無計。只將印

勅牌劍。盡交之南北中軍。隻身洒去。斷不忍袖手窮島。坐

視山海之愴惶、神京之震動、令天下萬世笑臣之無長識也、伏乞

皇上審安危之機、酌省費之要、大發乾斷、速

諭閣部臺省諸臣、卽查全遼舊餉一百萬兩、付臣應用、完此剿巢大事、如有不然、臣心已苦、臣力已竭、無能爲也、知有一去以謝

皇上千萬一耳、弗謂臣今日不言、亦弗謂臣他日輕去、明日臣去後、有代臣而不須糧餉以平奴者、臣固千秋慕之矣、

叛逆奸細韓宗功等伏法

韓進之謀
得行社稷
寧有幸耶
天幸其晚
自來就死
快哉

後韓宗公係原任副總兵同伊男韓三至登來州作客
代奴酋來京探路聞山海關有兵馬董守難以奔入要
喜峯口違約在五月內起馬大舉李永芳為總領奴之
第四子其來奴兒哈赤坐老營兵馬十五萬來京犯釁
令同達首一人進京宗功在張家灣潛住探聽消息還
親到御史崔奇觀訪的獲之審稱宗功叛將也原與
逆犯劉保通謀數往來京為李永芳之心腹為逆奴之
間諜又查是同官梁之棟奴獲劉保奸細案內聞其劉
保子劉子蘭供伊父寫答李永芳書內開韓宗功至已
知事體妥當之啓又有韓宗功舉火肉應之說罪惡通
天罪惡可考今劉保等已誅宗功說此滿朝意其藉奴
酋為逆上終無受首之期矣不謂臣等包天敢再奉作
奴奸細也差兵牌于通傳拿得宗功并伊子韓振桂
達子董成俊十五日俱到職審宗功尚口稱未此職職
夫宗功逆將也應隸于法據案又係逆黨也久經
天討名在鬼錄朕于何樂耶即展轉吏部百案雖以自
解云又據其行踪潛入登州法而來京居停張義陽家
後而走淫又托奇其達子董成俊于左把總部下密審
布監處處安排謀為不軌外可駭愕蓋其包藏禍心已
非一目早集醜類其港土而來此神人之共忿者也